

四庫全書

集部

欽定四庫全書

集部

御定全唐詩錄卷八十五

詳校官左中允<sub>臣</sub>瑋五珠

主事銜<sub>臣</sub>徐以坤覆勘

總校官原任中允<sub>臣</sub>王燕緒

校對官中書<sub>臣</sub>田尹衡

謄錄監生<sub>臣</sub>張鈞

欽定四庫全書

御定全唐詩錄卷八十五

陸龜蒙

○ 龜蒙字魯望蘇州人博學工歌詩及賦與顏堯皮  
日休羅隱吳融為友舉進士不第往從湖州刺史  
張搏遊搏歷湖蘇二州辟以自佐嘗至饒州三日  
無所詣刺史蔡京率官屬就見之龜蒙不樂拂衣  
去居松江甫里多所論撰初稱天隨子後自號江

湖散人以高士召不至李蔚盧攜素與善及當國  
召拜左拾遺詔方下龜蒙卒光化中韋莊表龜蒙  
及孟郊等十人皆贈右補闕

魯望自撰甫里先生傳曰先生性野逸無羈檢讀  
書探六籍大義尤樂春秋平居以文章自怡雖幽  
憂疾病中無旬日生計未嘗暫輟點竄塗抹投筐  
篋歷年不能淨寫一本少攻訶詩遇事輟變化不  
一其體裁始則輟輟波濤穿穴險固囚鎖怪異破

碎陣敵卒造平淡而後已好潔几格窗戶硯席剪  
然無塵埃得一書詳熟然後置值本即校不  
三為限所藏雖少咸正定可傳借人書有斷壞緝  
之繆誤刊之樂聞人學講論不倦有田數百屋三  
十楹田苦下雨潦則與江通由是苦饑躬自畚鍤  
無休時嗜斜置園顧渚山下歲入茶租為品第繼  
茶經茶訣後高僧逸人時致惠山石泉虎丘松江  
水以助其好初病酒再暮後能起有客至亦潔樽

置解但不復引滿性不喜與俗人交雖詣門不得  
見不置車馬不預慶弔內外姻黨伏臘喪祭未嘗  
及時往返寒暑得中體性無事時乘小舟設篷席  
賫一束書茶竈筆床釣具擢舩郎而已所詣小不  
會意徑還不留性狷急遇事發作尋復悔之無大  
過亦無出入事不傳姓名世無有得之者豈涪翁  
漁父江上丈人之流者乎

古體詩

贈遠曲

茱萸匣中鏡欲照心還懶本是細腰人別來羅帶緩從  
君出門後不奏雲和管妾思冷如簧時時望君暖心期  
夢中見路永魂夢短怨坐泣西風秋窗月華滿

築城詞

城中一培土手中千萬杵築城畏不堅堅城在何處莫  
歎築城勞將軍要却敵城高功亦高爾命何足惜

井上桐

美人傷別離  
汲井常待曉  
愁因轆轤轉  
驚起雙棲鳥  
獨立傍銀床  
碧梧風嫋嫋

門前路

門前向城路  
一直復一曲  
曲去日中還  
直行日暮宿  
何必日中還  
曲塗荆棘間

惜花

人壽期滿  
百花開唯一  
春其間風雨  
至旦夕旋為  
塵若使花解  
愁愁於看花  
人

引泉

睦州龍興觀  
老君院作

上嗣位六載吾宗判桐川  
余來拜旌戟詔下之明年是  
時春三月繞郭花蟬聯嵐盤  
百萬髻上插黃金鈿授以  
道士館置榻於東偏滿院聲  
碧樹空堂形老仙本性樂  
凝澹及來更虛玄焚香禮真  
像盥手披靈編新定山角  
角烏龍獨巉然除非淨睛目  
不見蒼崖顛上有擎雲峰  
下有噴壑泉泉分數十汊落  
處皆崢嶸潺湲寒聲入爛醉  
聒破西窗眠支筇起獨尋祇  
在牆東邊呼童具畚鍤立鑿

莓苔穿濼滌一派墮練帶橫斜亂石拋落落寒流響  
濺濺狂奴七里瀨縮到疎楹前跳花潑半散涌沫飛旋  
圓勢束三峽掛瀉危孤磴懸曾聞瑤池溜亦灌朱草田  
鳧伯弄翠葢鸞舞丹烟凌風披桂柂隔霞馳犀舩况  
當玄元家嘗著道德篇上善可比水斯文參五千精靈  
若在此肯惡微波傳不擬爭滴瀝還應會淪連出門後  
飛箭合勢浮青天必有學真子鹿冠秋鶴顏如能輔余  
志日使疏其源

紀夢游甘露寺

寺在京口  
北固山上

昔臥高高雲雲窗正寒夕披裘忽生夢似到空王宅  
我天一峯立欄楯橫半壁級倚綠巔差闕臨赤霄闌捫虛  
陟孤峭不翅千餘尺疊掌望梁窻分明袒肩釋焚香稽  
首罷嘹唳依長揖高戶承北風聲號太波白光中目難  
送定驗方可覲樹細鴻濛烟島疎零落碧須臾羣鷺入  
空水相噴激積浪亞寒堆呀如鬪危石跳音簇鞞鼓濺  
沫交矛戟鳥疾帆亦奔紛紛助勅敵思非水靈怒即是

饑龍孽怯懾不敢前荷襟汗霑霖迴經定僧處泉木光  
相射巖燈雲簇栖松柯露華適逍遙得真趣邈迤尋常  
跡山腹貯孤亭嵐根四垂帟誰題雪月句乃是曹劉格

愛樹亭有故  
太尉房公詩

閭闕一枝瓊邊樓數聲笛吟高矍然起若

自蒼旻擲短燭墮餘花圓蟾掛斜魄自從神錫境無處  
不登陟忽上南徐山心期豁而獲豈伊煩惱骨合到清  
涼域暗得蝴蝶身幽期盡相識奈何有名氏未列金閨  
籍翻慙卅頂童得奉真如策雲濤觸風望毫管和烟搨

聊紀夢中遊留之問禪客

讀襄陽耆舊傳因作詩五百言寄皮襲美

漢臯古來雄山水天下秀高當軫翼分化作英髦固暴  
秦之前人灰滅不可究自從宋生賢特立冠耆舊離騷  
既日月九辯卽列宿卓哉悲秋辭合在風雅右龐公樂  
幽隱辟聘無所就祇愛鹿門泉泠泠倚巖漱孔明臥龍  
者潛伏躬耕耨忽遭玄德雲遂起麟角鬪三胡節皆峻  
二習名亦茂其餘文武家相望如斥埃緬思齊梁降寂

冥寥清胃凝融為漪瀾復結作瑩瑋不知粹和氣有得  
方大受將生皮夫子上帝可具奏并包數公才用以殿  
殿後嘗聞兒童歲嬉戲陳俎豆積漸開詞源一派分萬  
溜先崇丘旦室大懼隳結搆次補荀孟垣所貴亡罅漏  
仰瞻三皇道蟣虱在宇宙却視五霸圖股掌弄孩幼或  
能醢醜髀或與翼雛鷇或喜掉直舌或樂斬邪脰或耨  
鉏翳薈或整理錯謬或如百千騎合沓原野狩又如曉  
江平風死波不皺幽埋力須掘遺落貨必購乃於文學

中十倍倚頓富囊乏向咸鎬馬重遲步驟專場射策時  
縛虎當羿穀歸來把通籍且作高堂壽未足逞戈矛誰  
云被文繡從知偶東下帆影拂吳岫物象悉摧藏精靈  
畏雕鏤伊余抱沈疾顛顛守圭竇方推洪範疇更念大  
元首去聲陳詩採風俗學古窮篆籀朝朝貫新米往往逢  
責詬既被鄰里輕亦為妻子陋持冠適甌越敢怨不得  
售窘若曬沙魚悲如哭霜欣唯君枉車轍以逐海上臭  
披襟兩相對半夜忽白晝執熱濯清風忘憂飲醇酎驅

為文翰侶駕阜參驥殿有時諧宮商自喜真邂逅道孤  
情易苦語直詩還瘦藻匠如見訓終身置懷衷

奉酬襲美先輩初夏見寄次韻

積雨晦皋圃門前烟水平蘋蘆增遙吹枕席分餘清村  
旆詫酒美賒來滿銜程未必減宣子何羨謝公榮借宅  
去人遠敗牆連古城愁鴟占枯柈野鼠趨前楹昨日雲  
破損晚林先覺晴幽管倚數照碧粉含疎葦蠹簡有遺  
字疾琴無泛聲蠶寒繭尚薄鷺喜雛新成覽物正搖思

得君初夏行誠明復散誕化匠安能爭海浪刷三島天  
風吹六英洪崖領玉節坐使虛音生吾祖傲洛客因言  
幾為傖末裔實漁者敢懷千墨卿唯思釣璜老遂得持  
竿情何須乞鷺炙豈在斟羊羹畦蔬與甕醪便可相攜  
迎蟠木几甚曲筍皮冠且輕閒心放羈勒醉脚從敬傾  
一逕有餘遠一窗有餘明秦皇苦不達天下何足并

襲美先輩以龜蒙所獻五百言既蒙見和復示榮

唱至于十字提獎之重蔑有稱實再抒鄙懷用

伸酬謝

洪範分九疇轉成天下規河圖孕八卦煥作玄中奇先  
開否臧源次築經緯基粵若魯聖出正當周德衰越疆  
必載質歷國將扶危諸侯恣崛強王室方凌遲歌鳳時  
不偶獲麟心益悲始嗟吾道窮竟使空言垂首贊五十  
易又刪三百詩遂令篇籍光可竝日月姿向非筆削功  
未必無瑕疵逮至夫子沒微言散如枝一作披所宗既不  
同所得亦異宜名法在深刻虛玄致希夷自從戰伐來

一派縱橫馳寒谷生艷木沸潭結流澌驚奔失壯士好  
惡隨纖兒羸氏并六合勢尊丞相斯加於挾書律盡取  
坑焚之南勒會稽頌北恢胡亥抵猶懷徧巡狩不暇親  
維持及漢文景後鴻生方振楸出三都賦簸揚堯舜風反作

三代吹飄飄四百載左右為藩籬鄴下曹父子獵賢甚

熊羆發論若霞馭魏文帝典論有論文篇裁詩如錦擣徐王應劉

輩頭角咸相衰或有妙絕賞或為獨步推或許潤色美  
或嫌詆訶癡倏以中利病且非混醇醜雅當乎魏文麗

矣哉陳思不肯少選忘恐貽後世嗤吾祖伏才力

士衡文賦

革車蒙虎皮手持一白旄直向文場麾輕去聲若脫鉗鈇

豁如抽屨屨精鋼不足利腰裏何勞追大可罩山岳微

堪析毫釐十體免負贅百家咸起痿爭入鬼神奧不容

天地私一篇邁華藻萬古無子遺刻鵠尚未已雕龍奮

而為劉勰有文心雕龍劉生吐英辯上下窮高卑下臻宋與齊

上指軒從羲豈但標八索殆將包兩儀人謠洞野老騷

怨明湘纍立本以致詰驅宏來抵穢清如朔雪嚴緩若

春烟羸或欲開戶牖或將飾纓綉雖非倚天劍亦是囊  
中錐皆由內史意致得東莞詞梁元竟降魏後主終歸  
隋哀音但浮脆豈望分雄雌吾唐揖讓初陞列森咎夔  
作頌媿吉甫直言過祖伊明皇踐中日墨客肩參差岳  
淨秀擢前海寒光陸離皆能取穴鳳盡擬乘雲螭邇來  
二十祀俊造相追隨余生落其下亦值文明時少不  
好弄逡巡奉弓箕雖然苦貧賤未省親嚅啞秋倚抱風  
桂曉烹承露葵窮年只敗袍積日無晨炊遠訪賣藥客

閒尋捕魚師歸來蠹編上得以含情窺抗韻吟比雅覃  
思念梔櫛因知昭明前剖石呈清琪又嗟昭明後敗葉  
埋芳蕤縱有月旦評未能天下知徒為強羆豹不免參  
狐狸誰蹇行地足誰抽刺天鬢誰作河畔草誰為洞中  
芝誰若靈囿鹿誰猶清廟犧誰輕如舉毛誰密如凝脂  
誰比蜀嚴靜誰方已實賢誰能釣抃鼈誰能灼神龜誰  
肯如水火誰同若墮筮誰可作梁棟誰敢驅谷蠹用此  
常不快無人動交鉞空銷病裏骨枉白愁中髭鹿門先

生才大小無不怡就彼六籍內說詩直解頤顧我迷未  
遠開懷潰其疑初開鑿本源漸乃疏旁支遠古派泛濫  
皇朝光赫曦揣摩是非際一一如襟期李杜氣不易孟  
陳節難移信知君子言可並神明著枯腐尚求律膏旨  
猶謁醫况將太牢味見啗逋懸饑今來置家地正枕吳  
江湄餌薄鈎不曲足然守空坻嘿坐無影響唯君欸茅  
茨抽書亂籤帙酌茗煩甌犧或伴補缺砌或偕詣荒祠  
孤筇倚烟蔓細木橫風漪觸雨妨扉屢臨流泥江離既

狎野人調甘為豪士言不敢負建鼓唯憂掉降旗希君  
念餘勇挽衷登文陣

和襲美初夏遊楞伽精舍次韻

吳都涵汀洲碧液浸郡郭微雨蕩春醉上下一清廓奇  
蹤欲探討靈物先瘵瘼飄然蘭葉舟旋倚烟霞泊吟譚  
亂篙艣夢寐雜巖岬纖情不可逃洪筆難暫闔豈知楞  
伽會乃在山水泊金仙著書日世界名極樂蒼蘆冠諸  
香琉璃代華臺禽言經不輟象口川寧涸萬善峻為城

巉巉扞羣惡，清晨欲登造。安得無自愕，險穴駭坤牢。高  
蘿挂天索，池容澹相向。蛟怪如可摸，苔蔽石髓根。蒲差  
水心鋸，嵐侵苔摩髻。日照狻猊絡，仰首乍眩旋。迴眸更  
輝燿，簷端凝飛羽。磴外浮碧落，到迴解風襟。臨幽濯雲  
屨，塵機性非便。靜境心所著，自取海鷗知。何煩尸祝酌，  
峯圍震澤岸。翠浪舞綃幕，激灑豈堯遭。嶮嶮非禹鑿，潛  
聽鐘梵處。別有松桂壑，靄重燈不光。泉寒網猶薄，童能  
躡孤刹。鳥慣親從鐸，服道身可遺。乞閒心已諾，人間亦

何事萬態相毒蠱戰壘競高深  
儒衣漫褻博宣尼名位  
達未必春秋作管氏包  
霸圖須人解其縛  
伊余採樵者  
蓬藿方索漠近得風雅情  
聊將聖賢度多君富適采識  
度兩清恪詎寵生滅詞肯  
教夷夏錯未為堯舜用且  
向烟霞託我亦擺塵埃他  
年附鴻鶴

奉詔襲美先輩吳中苦雨一百韻

微生參最靈天與意緒拙人皆機巧求百逕無一達家  
為唐臣來奕世唯稷卨只垂清白風凜凜自貽厥

龜蒙  
五代

祖六代祖皇猶殘賜書在編簡苦斷絕其間忠孝字萬朝繼在台輔

古光不滅孱孫誠魯昧有志嘗捐捐敢云嗣良弓但欲終守節諠譁不入耳讒佞不挂舌仰詠堯舜言俯遵周孔轍所負既仁義豈暇理生活縱有舊田園拋來亦蕪沒因之成否塞十載真契闊凍餒一襜褕饑腸少糠粃甘心付天壤委分任迴斡笠澤臥孤雲桐江釣明月盈筐盛芡芰滿釜煮鱸鯪酒幟風外啟茶槍露中擷江南謂茶芽未展者曰槍已展者曰旗也歌謠非大雅摭摭為小說上可補薰莖

傍堪跣牙藥

龜蒙嘗著  
稗語三卷

方當當冒冒盡以易紙札蹤跡

尚吳門夢魂先魏闕尋聞天子詔赫怒誅叛卒宵旰憫  
烝黎謨明問征伐王師雖繼下賊壘未即拔此時淮海  
波半是生人血霜戈驅少壯敗屋棄羸老踐蹋比塵埃  
焚燒同稿秸吾皇自神聖執事皆間傑射策亦何為春  
卿遂聊輟伊余將貢技未有恥可刷却問漁樵津重耕  
烟雨墩諸侯急兵食冗贖方翦截不可抱詞章巡門事  
干謁歸來闔蓬楫壁立空豎褐煖手抱孤烟披書向殘

雪幽憂和憤懣忽愁自驚蹶文兮乏寸毫武也無尺鐵  
平生所韜蓄到死不開豁念此令人悲翕然生內熱加  
之被鞞瘃况復久藜糲既為霜露侵一臥增百疾筋骸  
將束縛腠理如筮捷初謂抵狂軀又疑當毒蝎江南多  
事鬼巫覡連甌粵可口是妖訛恣情專賞罰良醫只備  
位藥肆成虛設而我正萎痿安能致訶咄椒蘭任芳蕊  
精糲從羅列醜筭既屢傾錢刀亦隨熟魚之瀆財賄不  
止行盜竊天地如有知微妖豈逃殺其時心力憤益使

氣息愒永夜更呻吟空床但皮骨君來贊賢牧野鶴聊  
簪笏謂我同光塵心中有溟渤輪蹄相歷至問遺無虛  
月首到春鴻濛猶殘病根爰看花雖眼暈見酒忘肺渴  
隱几還自怡逢盧亦爭喝抽毫更唱和劒戟相磨戛何  
大不色羅何微不挑刮今來值霖雨晝夜無暫歇雜若  
碎淵淪高如破鞦韆何勞鼉吼岸詎要鸛鳴埵祗意江  
海翻更愁山岳裂初鷲蚩尤陣虎豹爭搏噬又疑伍胥  
濤蛟蜃相感撈千家濛濛練忽似好披拂萬瓦垂玉繩

如堪取縈結况余居低下本是蛙蚓窟邇來增號呼得  
以恣唐突先夸屋舍好又恃頭角凸厚地雖直方身能  
徧穿穴常參莊辯裏亦造揚玄末偃仰縱無機形容且  
相忽低頭增歎詫到口復嗚咽沮如漬琴書莓苔染巾  
襪解衣換倉粟秕稗猶未脫饑鳥屢窺臨泥僮苦舂師  
或聞秋稼穡大半沈澎汜耕父蠹齊民農夫思旱魃吾  
觀天之意未必洪水割且要虐飛龍又圖滋跋鼉三吳  
明太守左右皆儒哲有力即扶危懷仁過救暍鹿門皮

夫子氣調真俊逸，截海上雲鷹橫空。下霜鷗文壇如命，將可以持玉鉞。不獨宸羲軒便當，城老佛顧余為山者。所得纜篲撮譬如飾箭材，尚欠鏃與箭閒。將飲兒唱強倚帝子瑟，幸得遠瀟相不然。啜賈屈開緘，窺寶肆璣貝。光比擲朗詠，衝樂懸陶匏。嚮鏗搗古來，愁霖賦不是。不  
清越非君頓挫才，沴氣難摧折。馳情扣虛寂，力盡無所  
掇不足謝徽音，祇令凋鬢髮。

和皮襲美太湖詩

初入太湖

東南具區雄天水合為一高帆大弓滿羿射爭箭疾時  
當暑雨後氣象仍鬱密乍如開雕箴聳翅忽飛出行將  
十洲近坐覺八極溢耳目駭鴻濛精神寒佶粟坑來斗  
呀豁涌處驚差萃嶽異拔龍湫喧如破蚊室斯須風妥  
帖若受命平秩微茫識端倪遠嶠疑格音閣筆巉巉見銅

闕湖中穹崇  
山有銅闕

左右皆輔弼盤空儼相趨去勢猶橫逸嘗

聞咸池氣下注作清質至今涵赤霄尚且浴白日

太湖  
上稟

咸池五車之氣  
故一水五名也

又云構浮玉宛與崑閬匹肅為靈官家

此事難致詰

太湖乃仙家  
浮玉之北堂纔迎

沙嶼好指顧俄已失山

川互蔽虧魚鳥空聲取何當授真檢得召天吳術一一

問朝宗方應可譚悉

### 曉次神景宮

曉帆逗碕岸高步入神景灑灑襟衷清如臨蕊珠屏雖  
然羣動息此地常寂靜翠鑷有寒鏘碧花無定影馮軒  
羽人傲夾戶天獸猛稽首朝元君褰衣就虛省呀空雪

牙利嗽水石齒冷香母未垂嬰芟田不論頃遙通河漢  
口近撫松桂頂飯薦七白蔬杯醜九光杏人間附塵躅  
固陋真鉗頸肯信扑鼇傾猶疑夏蟲永玄津蕩瓊籠紫  
汞啼金鼎盡出冰霜書期君一披省

### 入林屋洞

知名十小天林屋當第九

人間三十六洞天知名者十  
爾餘二十六天出九微志未

行於題之為左神理之以天后林屋為左神幽虛之天  
即天后真君之便闕

魁罡辟邪輩左右專備守自非方瞳人不敢窺洞口唯

君好奇士復嘯忘情友致傘在風林低冠入雲竇中深  
劇苔井傍坎纔藥白石角忽支頤藤根時束肘初為大  
幽怖漸見微明誘屹若造靈封森如達仙藪常聞白芝  
秀狀與琅花偶又坐紫泉光甘如酌天酒白芝紫泉皆此洞所出乃  
神仙之飲餌非常人所能得何人能挹嚼餌以代漿糗却笑探五符  
徒勞步雙斗真君不可見焚盥空遲久眷戀玉碣文行  
行但迴首

雨中遊包山精舍

色山信神仙。主者上真職。及棲鐘梵侶。又是清涼域。乃  
知烟霞地。絕俗無不得。巖開一徑分。柏擁深殿黑。僧閒  
若圖畫。像古非雕刻。海客施明珠。湘蕤料平淨食。有魚  
皆玉尾。有鳥盡金臆。手攜鞞鐸唐言。若在中印國。千  
峯殘雨過。萬籟清且極。此時空寂心。可以遺智識。知君  
戰未勝。尚倚功名力。却下聽經徒。生公有石孤帆有行色。

### 三宿神景宮

靈蹤未徧尋。不覺溪色暝。迴頭問棲所。稍下杉蘿逕。巖

居更幽絕澗戶相隱映過此卽神宮虛堂愜雲性四軒  
盡疎達一榻何清零去聲髮髯聞玉笙敲鏗動涼磬風凝  
古松粒露壓修荷柄萬籟既無聲澄明但心聽希微辨  
真語若授虛皇命尺宅按來平華池漱餘淨頻窺宿羽  
麗三吸晨霞盛豈獨冷衣襟便堪遺造請徒深物外趣  
未脫塵中病舉首謝靈峰徜徉事歸榜

毛公壇

古有韓終道授之劉先生身如碧鳳凰羽翼披輕輕先

生盛驅役臣伏甲與丁勢可倒五嶽不唯鞭羣靈飄颻  
駕翔螭白日朝太清空遺古壇在稠疊烟蘿屏遠懷步  
罡夕列宿森然明四角鎮露獸三層差羽嬰迴眸盼七  
烝運足馳疎星象外真既感區中道俄成邇來向千祀  
雲嶠空崢嶸石上橘花落石根瑤草青時時白鹿下此  
外無人行我訪岑寂境自言齋戒精如今君安死字君安  
魂魄猶羶腥有笈皆綠字有芝皆紫莖相將望瀛島浩  
蕩凌滄溟

以毛公泉獻大諫清河公

先生鍊飛精羽化成翩翩荒壇與古甃隱軫清冷存四面  
感山骨中心含月魂除非紫水脈即是金沙源香實  
灑桂蕊甘惟漬雲根向來探幽人酌罷祛蒙昏况公珪  
璋質近處諫諍垣又聞虛靜姿早挂冰雪痕君對瑤華  
味重獻蘭薰言當應滌煩暑朗詠翬飛軒我願得一掬  
攀天叫重閣霏霏散為雨用以移焦原

縹緲峯

左右皆跳岑孤峯挺然起因思縹緲稱乃在虛無裏清  
晨躋磴道便是孱顏始據石卽更歌遇泉還徙倚花奇  
忽如薦樹曲渾成几樂靜烟靄知忘機猿狖喜頻攀峻  
過斗末造平如砥舉首闕青冥迴眸聊下眎高帆大於  
鳥廣墀纔類蟻就此微茫中爭先未嘗已葛洪話剛氣  
云地四千里苟能乘之游止若道路耳吾將自峯頂便  
可朝帝宸盡欲活羣生不唯私一己超騎明月蜃復弄  
華星蕊却下蓬萊巔重窺清淺水身為大塊客自號天

隨子他日向華陽敲雲問名氏

明月灣

昔聞明月觀

在建業故臺城

祇傷荒野基今逢明月灣不值三

五時擇此二明月洞庭最看奇連山忽中斷遠樹分毫

釐周迴二十里一片澄風漪見說秋半夜淨無雲物欺

兼之星斗藏獨有神仙期初聞鏘鐐跳

音姚

積漸調參差

空中卓羽衛波上停龍螭縱舞玉烟節高歌碧霜辭清

光悄不動萬象寒咿咿此會非俗致無由得旁窺但當

乘扁舟酒甕仍相隨或徹三弄笛或成數聯詩自然瑩  
心骨何用神仙為

練瀆

一云吳王  
開以練兵

越恃君子衆大將歷全吳

越有私卒君  
子六千人

吳將派天澤以

練舟師徒一鏡止千里支流忽然迂蒼奩東洪波坐似

馮夷驅戰艦百萬輩浮宮三十餘平川盛丁寧絕島分

儲胥鳳押半鶴膝錦杠雜肥胡香烟與殺氣浩浩隨風驅

彈射盡高鳥杯觥醉潛魚山靈恐見鞭水府愁為墟兵

利德日削反為讎國屠至今鈎鏃殘尚與泥沙俱照此  
月倍苦來茲烟亦孤下魂尚有淚合灑青楓枯

孤園寺

浮屠從西來事者極梁武巖幽與水曲結構無遺土窮  
山林榦盡竭海珠璣聚况即侍從臣敢愛烟波塢幡條  
玉龍扣殿角金虬舞釋子厭樓臺生人露風雨今來四  
百載像設藏雲浦輕鷁亂馴鷗鳴鐘和朝舫庭蕉裂旗  
旆野蔓差纓組石上解空人窗前聽經虎林虛葉如織

水淨沙堪數徧問得中天歸修釋迦譜

上真觀

嘗聞昇三清真有上中下官居乘佩服一一自相亞霄  
裙或霞粲侍女忽玉妣坐進金碧腴去馳飈歛駕今來  
上真觀恍若心靈訝祇恐暫神遊又疑新羽化風餘撼  
朱草雲破生瑤榭望極覺波平行虛信烟藉閒開飛龜  
帙靜倚宿鳳架俗狀既能遺塵冠聊以却人間方大火  
此境無朱夏松蓋蔭日車泉紳拖天罽窮幽不知倦復

息芝園舍鏘佩引涼姿  
焚香禮遙夜無情走聲利  
有志依閒暇何處好迎僧  
希將石樓借

消夏灣

霞島焰難泊雲峯奇未收  
蕭條千里灣獨自清如秋  
古岸過新雨高蘿蔭橫流  
遙風吹薰葭折處鳴颼颼  
昔余

守圭嘗過於回祿囚日為蘧篲徒

渠曲二音  
筆之異名

分作祇稠

讎

氏刁二音  
並單衣

願狎寒水怪不封朱轂侯  
豈知烟浪涯坐

可思重裘健若數尺鯉  
泛然雙白鷗不識號火井孰問

名焦丘我真魚鳥家  
畫室營扁舟遺名復避世  
消夏還

包山祠

靜境林麓好古祠烟靄濃  
自非通靈才敢陟羣仙峯  
百里波浪沓中堂簫鼓重  
真君具瓊鬢髮來相從清  
露濯巢鳥陰雲生晝龍風  
飄橘柚香日動幡蓋容將  
命禮且潔所祈年不凶終  
當以疏聞特用諸侯封

聖姑廟

渺渺洞庭水盈盈芳嶼神因知古佳麗不獨湘夫人流  
蘇蕩遙吹斜領生輕塵蜀綵駁霞碎吳綃盤霧勻可憐  
飛鸞姿合是乘鸞賓坐想烟雨夕兼知花草春空登油  
壁車窈窕誰相親好贈玉條脫堪依紫綸巾殷勤撥香  
池重薦汀洲蘋明朝動蘭楫不翅星河津

太湖石

他山豈無石厥狀皆可薦端然邁良工坐使天質變或  
裁基棟宇礪砢成廣殿或剖出溫瑜精光具華瑱或將

破仇敵百礮資苦戰或用鏡功名萬古如會面今之洞  
庭者一以非此選槎牙真不材反作天下彥所奇者嵌  
空所尚者蔥蘢旁穿參洞穴內竅均環釧刻削九琳窗  
玲瓏五明扇新雕碧霞段旋剖秋天片無力置池塘臨  
風只流盼

崦裏

山橫路若絕轉櫂逢平川中水木幽高下蕙良田溝  
塍隋薇溜桑柘含疎烟處處倚蠶箔家家下魚釜駢犢

臥新菽野禽爭折蓮試招搔首翁共語殘陽邊今來九州內未得皆恬然賊陣始吉語狂波又凶年吾翁欲何道守此常安眠笑我掉頭去盧中聞刺船余知隱地術可以齊真仙終當從之游庶復全於天

石板

一片倒山屏何時隳洞門屹然空濶中萬古波濤痕我意上帝命持來歷泉源恐爲庚辰宮囚怪力所掀又疑廣表次零落潛驚奔不然遭霹靂強半沈無垠如何造

化首便截秋雲根往事不足問奇蹤安可論吾今病煩  
暑據簟常昏昏欲從石公乞

石板在石  
公山前

瑩理平如瑤前

後植桂檜東西置琴樽盡攜天壤徒浩唱羲皇言

奉和襲美二游詩

徐詩

嘗聞四書曰經史子集焉苟非天祿中此事無由全自  
從秦火來歷代逢迤邐漢祖入闕日蕭何為政年盡力  
取圖籍遂持天下權中興熹平時教化還相宣立石刻

五經置於太學前賊卓亂王室君臣如轉圜洛陽且煨  
燼載籍宜為烟逮晉武革命生民纒息有惠懷並寡昧  
戎馬俄腥羶已覺天地閉競為東南遷日既不暇給墳

索何由專爾後國脆弱人多尚虛玄任學者得謗清言

者為賢直至沈范輩

沈約范雲皆  
藏書數萬卷

始家藏簡編御府有

不足仍令就之傳梁元渚宮日盡取如蚝蜊兵威忽破碎

焚藝無遺篇近者隋後主搜羅勢駢闐寶函映玉軸彩

翠明霞鮮伊唐受命初載史聲連延砥柱不我助驚波

湧淪漣遂令往古書半在餘浮泉貞觀購亡逸蓬瀛漸

周旋炁然東壁光與月爭流天偉矣開元中王道真平

平八萬五千卷一一皆塗鉛

開元麗正殿書錄

人間盛傳寫海

內奔窮研目云西齋書有過東臯田吾聞徐氏子奕世

皆才賢因知遺孫謀不在黃金錢插架幾萬軸森森若

戈鋌風吹籤牌聲滿室鏗鏘然佳哉鹿門子好問如除

瘠倏來參卿處遂得參卿憐開懷展榭麓惟在性所便

素業已千仞今為峻雲顛雄才舊百派相近浮日川君

抱王佐圖縱步凌陶甄他時若報德誰在參卿先

任詩

吳之辟疆園在昔勝槩敵前聞富脩竹後說紛怪石

竟陵

子陸羽玩月詩云辟疆舊林閭怪石紛相向

風烟慘無主載祀將六百草色

與行人誰能問遺跡不知清景在盡付任君宅却是五湖光偷來傍簷隙出門向城路車馬聲躑躅入門望亭隈水木氣岑寂隼牆繞曲岸勢似行無極十步一危梁乍疑當絕壁池容澹而古樹意蒼然僻魚鷺尾半紅鳥

下衣全碧斜來鳥嶼隱恍若瀟湘隔雨靜挂殘絲烟消  
有餘瓜謁來任公子擺落名利役雖將祿代耕頗愛巾  
隨策秋籠支遁鶴夜榻戴顓客說史足為師譚禪差作  
伯君多鹿門思到此情便適偶蔭桂堪帷縱吟苔可席  
顧余真任誕雅遂中心獲但喜醉還醒豈知玄尚白甘  
閒在雞口不貴封龍額即此自怡神何勞謝公履

漁具詩

并序

天隨子處於海山之顏有年矣矣漁之具莫不

窮極其趣大凡結繩持網者總謂之網罟網罟  
之流曰眾曰罾曰罾圓而縱捨曰罾挾而昇降  
曰罟緝而竿者總謂之筌筌之流曰筒曰車橫  
川曰梁承虛曰筍編而沈之曰算矛而卓之曰  
稽棘而中之曰叉鏃而綸之曰射扣而駭之曰  
根置而守之曰神列竹於海滢曰滢錯薪於水  
中曰籛所載之舟曰舩舩所貯之器曰筭筭其  
他或術以招之或藥而盡之皆出於詩書雜傳

及今之聞見可考而驗之不誣也今擇其任詠

者作十五題以諷

今選十首

噫矢魚之具也如此

今既歌之矣矢民之具也如彼誰其嗣之鹿門  
子有高灑之才必為我同作 𠂔字書作𠂔女

減切猗矛也根者以薄板置瓦器上擊之以驅

魚鯉魚滿三百六十歲蛟龍輒率而飛去年置

一神守之則不能去矣神鼈也滄吳之滄瀆是

也

網

大罟網目繁空江波浪黑沈沈到波底恰共波同色牽  
時萬鬚入已有千鈞力尚悔不橫流恐他人更得

罩

左手揭圓眾輕撓弄舟子不知潛鱗處但去籠烟水時  
穿紫萍破忽值朱衣起松江有朱衣鮒貴得不貴名敢論魴與

鯉

罟

有意烹小鮮乘流駐孤棹雖然煩取舍未肯求津要多  
為蝦蜆誤已分鷓鴣笑寄語龍伯人荒唐不同調

釣車

溪上持雙輪溪邊指茅屋閒乘風水便敢議朱丹轂高  
多倚衡懼下有折軸速曷若載逍遙歸來臥雲族

叉魚

春溪正含綠良夜才參半持矛若羽輕列燭如星爛傷  
鱗跳密藻碎首沈遙岸盡族染東流傍人作佳翫

射魚

彎弓注碧潯掉尾行涼沚青楓下晚照正在澄明裏  
擘弦斷荷扇濺血殷菱葢若使禽荒聞移之暴烟水

鳴根

水淺藻行澁釣罩無所及鏗如木鐸音勢若金鉦急  
敲之就深處用以資俯拾搜羅爾甚微遁去將何入

滄

吳人今謂之籬

萬植禦洪波森然倒林薄千巖咽雲上過半隨潮落其

間風信背更值雷聲惡天道亦哀多吾將移海若

繆

吳人今謂之叢

斬木置水中枝條互相蔽寒魚遂家此自以為生計春  
冰忽融冶盡取無遺裔所託成禍機臨川一凝睇

種魚

鑿池收頰鱗疎置雲嶼還同汗漫遊遂以江湖處如  
非一神守潛被蛟龍主蛟龍若無道跋鱉亦可禦

鮓艫

蓬棹兩三事天然相與閒  
朝隨稚子去暮唱菱歌還  
倚石遲後侶徐撓供遠山  
君看萬斛載沈溺須臾間

筇箸

誰謂筇箸小我謂筇箸大  
盛魚自足滄真壁能為害  
時將刷頰浪又取懸藤帶  
不及腰上金何勞問著蔡

和襲美漆漁具詩

漁菴

結茅次烟水用以資嘯傲  
豈謂釣家流忽同禪室號  
閒

憑山更占晚有溪禽繆華屋莫相非各隨吾所好

釣磯

揀得白雲根秋潮未曾沒坡陀坐鼇背散漫垂龍髮持竿從掩霧置酒復待月即此放神情何勞適吳越

箬笠

朝攜下楓浦晚戴出烟艇冒雪或平簷聽泉時仄頂颯移靄然色波亂危如影不識九衢塵終年居下澗

樵人十詠

并序  
選七首

環中先生謂天隨子曰子與鹿門子應和為漁  
具詩信盡其道而美矣世言樵漁者必聯其命  
稱且常與隱君子事詩之言錯新禮之言負新  
傳之言積新史之言束薪非樵者之實乎可不  
足以寄興詠獨闕其詞邪退作十樵以補其闕  
漏寄鹿門子

樵家

草木黃落時比隣見相喜門堂清澗盡屋在寒雲裏山

棚日纔下野竈烟初起所謂順天民唐堯亦如此

樵叟

自小卽胼胝至今凋鬢髮所圖山褐厚所愛山爐熱不知冠蓋好但信烟霞活富貴如疾顛吾從老巖穴

樵子

生在蒼崖邊能諳白雲養

去聲山家謂  
養柴地為養

纔穿遠林去已

在孤峯上新和野花束步帶山詞唱日暮不歸來柴扉  
有人望

樵斧

淬礪秋水清，攜持遠山曙。  
丁丁在前澗，杳杳無尋處。  
巢傾鳥猶在，樹盡猿方去。  
授鉞者何人，吾今易其慮。

樵擔

輕無斗儲價，重則筋力絕。  
欲下半巖時，憂襟兩如結。  
風高勢還却，雪厚疑中折。  
負荷誠獨難，移之贈來哲。

樵風

朝隨早潮去，暮帶殘陽返。  
向背得清飈，相追無近遠。  
採

山一何遲服道常苦蹇仙術信能為年華未將晚

樵歌

縱調為野吟徐徐下雲磴因知負樵樂不減援琴興出  
林方自轉隔水猶相應但取天壤情何來郢人稱

置酒行

落塵花片排香痕闌珊醉露栖愁魂洞庭波色惜不得  
東風領入黃金樽千鈞擲毫春譜大碧舞紅啼相唱和  
安知寂寞西海頭青篲未垂孤鳳儀

放牛

江草秋窮似秋半十角吳牛放江岸  
隣肩抵尾乍依隈  
橫去斜奔忽分散荒波斷壑無端入  
背上時時孤鳥立  
日暮相將帶雨歸田家烟火微茫濕

水鳥

水鳥山禽雖異名天工各與雙翅翎  
雛巢吞啄即一例  
游處高卑殊不停別有嘴鉞爪戟勁  
立直眦者擊搏挽  
裂衣圖羶腥如此等色恣豪橫  
聳身往往凌青冥為人羅

絆取材力韋韞綵綬懸金鈴三驅不以鳥捕鳥天下先  
得聞諸經超然可繼義勇後恰似有志行天刑鷗間鶴  
散兩自遂意思不受人丁寧今朝擢倚寒江汀春鉏翡  
翠參鷓鴣孤翹側睨瞥滅沒未是即肯馴蒼楹婦女衣  
襟便佞舌始得金籠日提挈精神卓犖背人飛冷抱薰  
葭宿烟月我與時情太乖刺祇是江禽有毛髮慙勤謝  
汝莫相猜歸來長短同羣活

刈獲

自春徂秋天勿雨廉廉早稻纔遮畝芒粒稀疎熟更輕  
地與禾頭不相拄我來愁築心如堵更聽農夫夜深語  
凶年是物即為災百陣野鳧千穴鼠平明抱杖入田中  
十穗蕭然九穗空敢言一歲困倉實不了如今朝暮春  
天職誰司下民籍苟有區區宜析析本作耕耘意若何  
蟲豸兼教食人食古者為邦須蓄積魯饑尚責如齊糴  
今之為政異當時一任流離恣徵索平生幸遇華陽客  
向日食霞轉肥白欲賣耕牛棄水田移家直傍三茅宅

雨夜

屋小茅乾雨聲大自疑身著蓑衣臥兼似孤舟小泊時  
風吹折葦來相佐我有愁襟無可那纔成好夢剛驚破  
背壁殘燈不及螢重挑却向燈前坐

食魚

江南春早魚無澤歲晏未曾腥鼎鬲今朝有客賣鱸魴  
手提見我長於尺呼兒舂取紅蓮米輕重相當加十倍  
且作吳羹助早餐飽臥晴簷曝寒背橫戈負羽正紛紛

祇用驍雄不用文，爭如曉夕謳吟樣。  
好伴滄洲白鳥羣。

鶴媒歌

偶繫漁舟汀樹枝，因看射鳥令人悲。  
盤空野鶴忽然下，背翳見媒心不疑。  
媒間靜立如無事，清唳時時入遙吹。  
徘徊未忍過南塘，且應同聲就同類。  
梳翎宛若相逢喜，祇怕纔來又驚起。  
窺鱗啄藻乍低昂，注定當曾流一矢。  
媒懼舞躍勢離披，似諂功能曾督兒。  
雲飛水宿各自物，妬侶害羣猶爾為。  
而況世間有名利，外頭笑語中猜忌。

君不見荒陂野鶴陷良媒同類同聲真可畏

奉酬襲美苦雨見寄

松篁交加午陰黑別是江南烟靄國  
頑雲猛雨更相欺  
聲似虢虢色如墨  
茅茨衰爛簷生夜  
夜化為螢火飛  
螢飛漸多屋漸薄  
一注愁霖當面落  
愁霖愁霖爾何錯  
滅頂于余奚所作  
既不能賦似陳思  
王又不能詩似謝  
康樂

曹有愁霖賦  
謝有愁霖詩

昔年嘗過杜子美亦得高歌破印紙

慣曾掀攪大筆多為我才情也如此高揖愁霖詞未已

披文忽自皮夫子哀絃怨柱合為吟恫我窮棲蓬藿裏  
初悲濕翼何由起末欲牋天叩天耳其如玉女正投壺

笑電霏霏作天喜我本曾無一稜去聲田平生嘯傲空漁

船有時赤脚弄明月踏破五湖光底天去歲王師東下

急輸兵粟盡民相泣伊余不戰不耕人敢怨丞黎無糝

粒不然受性圓如規千姿萬態分毫麓唾壺虎子盡能

執舐痔折枝無所辭有頭強方心強直撐柱顏風不量

力自愛垂名野史中寧論抱困荒城側唯君浩嘆非庸

人分衣輟飲來相親橫眠木榻忘華薦對食露葵輕八  
珍欲窮玄鳳未白欲懷仙鯨尚隔不如驅入醉鄉中只  
恐醉鄉田地窄

御定全唐詩錄卷八十五

欽定四庫全書

御定全唐詩錄卷八十六

陸龜蒙二

近體詩

村中晚望

抱杖柴門立江村日易斜  
雁寒猶憶侶人病更離家  
短鬢堪成雪雙眸舊有花  
何須萬里外即此是天涯

襲美題郊居十首次韻

近來唯樂靜移傍故城居閒打脩琴料時封謝藥書夜  
停江上鳥晴曬篋中魚出亦圖何事無勞置棧車

倩人醫病樹看僕補衡茅散髮還同阮無心更慕巢簡  
便書露竹樽待破霜飽日好林間坐烟蘿僅欲交

倭僧留海紙山匠製雲牀懶外應無敵貧中直是王池  
平鷗思喜花盡蝶情忙欲問新秋計菱絲一畝強

故山空自擲當路竟誰知祇有經時策全無養拙資病  
深憐灸客炊晚信樵兒漫欲陳風俗周官未採詩

福地能容塹玄闕詎有扉靜思瓊板字閒洗鐵筇衣鳥  
破涼烟下人衝暮雨歸故園秋草夢猶記綠微微

水影沈魚器隣聲動緯車燕輕捎墜葉蜂懶臥燠花說  
史評諸例論兵到百家明時如不用歸去種桑麻

禹穴奇編缺雷平異境殘靜吟封錄檢歸興削帆竿白  
石堪為飯青蘿好作冠幾時當斗柄同上步罡壇

強起披衣坐徐行處暑天上階來鬪雀移樹去驚蟬莫  
問鹽車駿誰看醬瓿玄黃金如可化相近買雲泉

野入青蕪巷陂侵白竹門風高開栗刺沙淺露芥根迸  
鼠緣藤桁饑鳥立石盆東吳雖不改誰是武王孫

疎慵真有素時勢盡無能風月誰為敵林泉幸未憎酒  
材經夏闕詩債待秋徵祇有君同僻閒來對曲肱

四明山詩九首

并序

謝遺塵者有道之士也嘗隱於四明之南雷一  
旦訪余來語不及世務且曰吾得於玉泉生知  
子性誕逸樂神仙中書探海嶽遺事以期方外

之交雖銅牆鬼炊虎獄劍餌無不窺也今為子  
語吾山之奇者有峯最高四穴在峯上每天地  
澄霽望之如牖戶相傳謂之石窗即四明之目  
也山中有雲不絕者二十里民皆家雲之南壯  
每相從謂之過雲有鹿亭有樊榭有潺湲洞木  
實有青櫺子味極甘而堅不可卒破有猿山家  
謂之鞠侯其他在圖籍不足道也凡此佳處各  
為我賦詩余因作九題題四十字謝省之曰玉

泉生真不誣矣好事者為余傳之因呈襲美

石窗

石窗何處見萬仞倚晴虛積靄迷青瑣殘霞動綺疏山  
應列圓嶠宮便接方諸祇有三奔客時來教隱書

過雲

相訪一程雲雲深路僅分嘯臺隨日辨樵斧帶風聞曉  
著衣全濕寒衝酒不曛幾回歸思靜髣髴見蘇君

雲南

雲南更有溪丹礫盡無泥藥有巴實賣枝多越鳥啼夜  
清先月午秋近少嵐迷若得山顏住芝萐手自攜

雲北

雲北是陽川人家洞壑連壇當星斗下樓櫺翠微連一  
半遙峰雨三條古井烟金庭如有路應到左神天

鹿亭

鹿亭巖下置時領白麝過草細眠應久泉香飲自多認  
聲來月塢尋跡到烟蘿早晚吞金液騎將上絳河

樊榭

樊榭何年築人應白日飛至今山客說時駕玉麟歸乳  
帶懸松嫩芝臺出石微憑欄虛目斷不見羽華衣

潺湲洞

石淺洞門深潺湲萬古音似吹雙羽管如奏落霞琴倒  
穴漂龍沫穿松澦鶴襟何人乘月弄應作上清吟

青櫺子

山實號青櫺環岡次第生外形堅綠殼中味敵瓊英墮

石樵兒拾敲林宿鳥驚亦應仙吏守時取薦層城

鞠侯

何事鞠侯名先封在四明但爲連臂飲不作斷腸聲野  
蔓垂纓細寒泉佩玉清滿林游宦子誰為作君卿

江野言懷

病身兼稚子田舍劣相容跡共公卿絕貧須稼穡供月  
方行到閨霜始近來濃樹少棲禽雜村孤守犬重汀洲  
藏晚弋籬落露寒春野并歆還整家書拆又封杉篁宜

夕照窗戶憶疎鐘  
南北唯聞戰縱橫  
未勝農大春雖苦  
學叔夜本多慵  
直使貂裘故猶堪  
過一冬

自和

命既時相背才非世所容  
著書糧易絕多病藥難供  
夢為懷山數愁因忌酒濃  
鳥媒呈不一魚寨下仍重  
晚拈簑兼褐暗簷織帶春  
著籤分水味標石認田封  
此地家三戶何人祿萬鍾  
草堂聊當貴金穴任輕農  
把釣竿初冷題詩筆未慵  
莫憂寒事晚江上少嚴冬

江南秋懷寄華陽上人

櫛髮涼天曙含毫故國情歸心一夜極病體九秋輕忽  
起襜褕咏因悲絡緯鳴逢山即堪隱何路可圖榮揲策  
空占命持竿不釣名忘憂如有待縱嬾似無營小徑纔  
分草斜扉芳辯荆冷荷承露酌疎菊臥烟莖譜為聽琴  
閱圖緣看海瞪鷺毛浮島白魚尾撇波頰庭橘低攀嗅  
園葵旋折烹餓鳥窺食案鬪鼠落書棚種豆悲楊惲投  
瓜憶衛旂東林誰處士南郭自先生分野星多蹇連山

卦少亨衣裾徒博大文籍漫縱橫蘭葉騷人佩尊絲內  
史羹鷓冠難適越羊酪未饒僂倚嘯微抽恨論玄好析  
醒栖遲勞鼓篋豪俠愛金贏鍊藥傳丹鼎嘗茶試石甌  
沼連枯葦暗窗對脫梧明未達譏張翰非才嫉禰衡遠  
懷魂易黯幽憤骨堪驚礪缺知矛利磨瑕見壁瑛道源  
疏滴瀝儒肆售精誠敢嘆良時擲猶勝亂世櫻相秦猶  
幾死王漢尚當黥飲啄期應定窮通勢莫爭髡鉗為阜  
隸談笑得公卿浴日安知量追風不計程塵埃張耳分

肝膽季心傾諭蜀專操檄通甌獨請纓匹夫能曲踊萬  
騎可橫行許國輕妻子防邊重戰耕俄分上尊酒驟厭  
五侯鯖靜默供三語從容等一枰弘深司馬法雄傑貳  
師兵朔雪埋烽燧寒筋裂旆旌乘時收句注即日掃欃  
槍武昔威殊俗文今被八紘琮璜陳始畢韶夏教初成  
芽孽羣妖滅松筠百度貞卽官青瑣拜使者繡衣迎帝  
道將雲闢澆波漸砥平學徒羞說霸佳士恥為伶負杖  
歌栖畝操觚賦北征才當曹斗怯書比惠車盈謝氏憐

兒女郝家貴舅甥唯荒稚珪宅莫贈景山鎗賢彥風流  
遠江湖思緒縈謳啞搖舴艋出沒漾鷓鴣晚樹參差碧  
奇峯迤邐晴水喧樾紫茆村響舂香杭荷笠漁翁古穿  
籬守犬獐公衫白紵卷田餉綠箬華地與膏腴錯人多  
富壽并相歡時帖泰獨坐歲崢嶸啣嘖吟蛩吟壁連軒鶴  
舞楹戍風飄疊鼓隣月動哀箏未得文章力何由俸祿  
請和鉛還搢搢持芥自丁丁驚懼疑凋朽功勤過屑瓊  
凝神披夕秀盡力取朝英蠹簡開塵篋寒燈立曉檠靜

翻詞客系閒難史官評天地寧舒慘山川自變更祇能  
分跖惠誰解等殤彭項豈重瞳聖夔猶一足鬻阮高酣  
麴蘖莊達謝犧牲齟舌無勞話寬心豈可盛但從鑪冶  
鍛莫愛罽羅嬰硯撥萍根洗舟衝蓼穗撐短牀編翠竹  
低几凭紅檉霜信催楊柳烟容裹杜蘅桁排巢燕燕屏  
畫醉猩猩懶檜推嵐影飛泉撼玉琤艣舳尋遠近握槳  
鬪輸羸檻壓離披瓠簷垂碯磊橙忘情及宗炳抱疾過  
劉楨野饋誇菰飯江南賈蔗錫送神枹瓦釜留客上瓷

觥舉檝揮青劒鳴榔扣遠鉦鳥行沈莽蒼魚隊破泓澄

手戟非吾事腰鏹且發硎

音坑

諒難求標標

上聲

聊欲取錚

錚幾歎蟲甘蓼還思鹿美草愁長難自剪歌斷有誰賡

未去師黃石空能說白珩性湍休激浪言秀罷抽萌地

僻琴樽獨溪寒杖屨清物齊消臆對戈倒共心盟絲曳

靈妃瑟金涵太子笙幽棲膠竹塢仙慮驛逢瀛想像珠

襦鳳追飛翠芷鶯霧簾深香悄雲磬冷敲鏗錄字多階

品華陽足弟兄焚香凝一室盡日思曾城匿景崦岷色

呀空渤海聲吾當營巨矢東去射長鯨

秋日遣懷十六韻寄道侶

盡日臨風坐雄詞妙畧兼共知時世薄寧恨歲華淹且  
把靈方試休憑吉夢占夜燃燒汞火朝鍊洗金鹽有路  
求真隱無媒舉孝廉自然成嘯傲不是學沈潛水恨同  
心隔霜愁雨鬢霑鶴屏憐掩扇烏帽愛垂簷雅調宜觀  
樂清才稱典籤冠敝玄髮少書健紫毫尖故疾因秋白  
塵容畏日黔壯圖須行行儒服漫襜襜片石聊當枕橫

烟欲代簾蟲根延穴蟻疎葉漏庭蟾藥鼎高低鑄雲菴  
早晚苦胡麻如重寄從謂我無厭

京口與友生話別

共是悲秋客相逢恨不堪雁頻辭薊北人尚在江南名  
利機初發樵漁事先諳松門穿戴寺荷徑繞秦潭

秦潭  
始皇

所開繩檢真難束疎慵却易耽枕當高樹穩茶試遠泉甘  
架上經惟一樽前雅祇三風雲勞夢想天地入醺酣歷  
自堯階數書因禹穴探御龍雖世祿下馬亦清談國計

徒盈策家儲不滿甌斷簾從燕出敲弁倩人簪木墜涼  
來葉山橫霽後嵐竹窗深窸窣苔洞綠籠弁積行依顏  
子和光則老聃仗誠為虎節被信作鮫函養鷺看窺沼  
尋僧助結菴功名思馬援歌唱咽羊曇乞食羞孤鳳無  
衣羨八蠶繫帆留宿客吟句任羸驂寵鶴空無衛占烏  
未見鄆香還須是桂青會出於藍蜀酒時傾甌瀟蕩反  
從蜀呼  
吳鰕偏發柑苦甘  
反玉封千挺藕霜閉一筒柑惜佩終邀  
禍辭環好激貪宗溟雖叻澮成厦必梗拊碧石雕琴薦

黃金飾劍鐔烟綠沙砌引水為藥畦擔博物君能繼多才我尚慙別離猶得在秋鬢未髮髮

閒書

病學高僧置一床披衣纔暇即焚香閒階雨過苔花潤小簟風來薤葉涼南國羽書催部曲

時黃巢圍廣州告急

東山毛褐傲羲皇升平聞道無時節試問中林亦不妨

別墅懷歸

水國初冬和暖天南榮方好背陽眠題詩朝憶復暮憶

見月上弦還下弦  
遙為晚花吟白菊  
近炊香稻識紅蓮  
何人授我黃金百  
買取蘇君負郭田

王先輩草堂

松徑隈雲到靜堂  
杏花臨澗水流香  
身從亂後全家隱  
日校人間一倍長  
金籙漸加新品秩  
玉皇偏賜羽衣裳  
何如聖代彈冠出  
方朔曾為漢侍郎

和夏景冲澹偶作次韻

蟬雀參差在扇紗  
竹襟輕利擇冠斜  
壚中有酒文園會

琴上無絃靖節家  
芝畹烟霞全覆穗  
橘洲風浪半浮花  
閒思兩地忘名者  
不信人間髮解華

和暇日獨處見寄

謝府殷樓少暇時  
又拋清宴入書帷  
三千餘歲上下古

八十一家文字奇

司馬遷書上下紀三千餘歲  
太玄有八十一家率多奇字冷夢漢

皋懷鹿隱靜憐烟  
鳥覺鴻離知君滿  
簾前朝事鳳諾龍  
奴借與窺

和吳中言情見寄次韻

菰烟蘆雪是儂鄉釣線隨身好坐忘徒愛右軍遺點畫  
閒披左氏得膏肓無因月殿聞移屣祇有風汀去採香  
莫問江邊漁艇子玉皇看賜羽衣裳

和吳中書事寄漢南裴尚書

風清地古帶前朝遺事紛紛未寂寥三泖涼波魚絕動

遠祖士衡對晉武帝  
以三泖冬溫夏涼

五茸春草雉媒嬌

五茸吳王獵  
所茸各有名雲

藏野寺分金剝月在江樓倚玉簫不用懷歸忘此景吳

王看即奉弓招

和題支山南峯僧次韻

眉毫霜細欲垂肩自說初棲海嶽年  
萬壑烟霞秋後到  
一林風雨夜深禪時翻貝葉添新藏  
閒插松枝護小泉  
好是清冬無外事匡牀齋罷向陽眠

和寄題玉霄峯葉涵象尊師所居

天台一萬八千丈師在浮雲端  
掩扉永夜祇知星斗大  
深秋猶見海山微風前幾降青毛節  
雪後應披白羽衣  
南望烟霞空再拜欲將飛魄問靈威

和醉中卽席贈潤卿博士次韻

共是虛皇簡上仙，清詞如羽欲飄然。  
登山凡著幾兩屐，破浪欲乘千里船。  
遠夢祇留丹井畔，閒吟多在酒旗前。  
誰知海上無名者，只記漁歌不記年。

和江南道中懷茅山廣文南陽博士

一片輕帆背夕陽，望三峯拜七真堂。

三茅二許一陽  
一郭是為七真天

寒夜漱雲牙，淨雪壞晴梳。  
石髮香自拂，烟霞安筆格。  
獨開封檢試，砂牀莫言洞府能。  
招隱會輾颺，輪見玉皇

和夏景無事因懷章來二上人次韻

簷外青陽有二梅折來堪下凍醪杯

離騷注云盛夏以醇酒置冰上

高

杉自欲生龍腦小弁誰能寄鹿胎麗事肯教饒沈謝談  
微何必減宗雷還聞擬結東林社爭奈淵明醉不來

忽憶高僧坐夏堂厭泉聲鬧笑雲忙山重海澹懷中印  
月冷風微宿上方病後書求高少藥定迴衣染貝多香

何時更問道遙義

道林有道  
遙遊別義

五粒松陰半石牀

和送李明府之任南海

春盡之官直到秋嶺雲深處凭龍樓居人愛近沈珠浦  
候更多來拾翠洲實稅盡應輸紫貝蠻童多學佩金鈎  
知君不戀南枝久拋却經冬白罽裘

春雨即事寄襲美

小謝輕埃日日飛

小謝詠雨詩有散漫似輕埃句

城邊江上阻春暉雖

愁野岸花房凍還得山家藥笥肥  
雙屐著頻看齒折敗  
裘披苦見毛稀比鄰釣叟無塵事  
灑笠鳴蓑夜半歸

正月十五日惜春寄襲美

六分春色一分休滿眼東波盡是愁花匠礙寒應束手  
酒龍多病尚垂頭無窮嬾惰齊中散有底機謀敵右侯  
見織短蓬栽小檝架烟閑弄箇漁舟

新夏東郊閒泛有懷襲美

遲於春日好於秋野客相攜上釣舟經畧約時冠暫亞  
佩笭箬後帶頻搗蒹葭鷺起波搖笠村落蠶眠樹挂鉤  
料得祇君能愛此不爭烟水似封侯

和過張祜處士丹陽故居

并序

張祜字承吉元和中作宮體小詩辭曲豔發當時輕薄之徒能其才合譟得譽及老大稍窺建安風格誦樂府錄知作者本意短章大篇往往間出諫諷怨謫時與六義相左右善題目佳境言不可刊置別處此為才子之最也由是賢俊之士及高位重名者多與之游謂有鵠鷺之野孔翠之鮮竹柏之貞琴磬之韻或薦之於天子書奏不下亦受辟諸侯府性狷介不容物輒自

劫去以曲阿地古澹有南朝之遺風遂築室種  
樹而家焉性嗜水石常悉力致之從知南海間  
罷職載羅浮石筍還不蓄善田利產為身後計  
死未二十年而故姬遺孕凍餒不暇前所謂鵠  
鷺孔翠竹柏琴磬之家雖朱輪尚乘遺編尚吟  
未嘗一省其孤而恤其窮也噫人假之為玩好  
不根於道義邪懼其怨刺於神明邪天果不愛  
才沒而猶譴邪吾一不知之友人顧弘至江南

道中訪其廬作詩予而序之屬余應和余汨沒者不足哀承吉之道邀襲美同作庶乎承吉之孤倚其傳而有憐者

勝華通子共悲辛荒徑今為舊宅鄰一代交遊非不貴五湖風月合教貧魂應絕地為才鬼名與遺編在史臣聞道平生偏愛石至今猶泣洞庭人

襲美以紗巾見惠因次韻酬謝

薄如蟬翅背斜陽不稱春前贈

女減反

郎初覺頂寒生

遠吹預憂頭白透新霜堪窺水檻澄波影好拂花牆亞  
蕊香知有芙蓉留自戴

桐栢真人戴芙蓉冠也

欲我烟霧訪黃房

襲美將以綠麝為贈因成四韻

三徑風霜利若刀  
檐褕吹斷骨蓬蒿  
病中祇自悲龍具  
世上何人識羽袍  
孤貉近懷珠履貴  
辟蘿遙羨白巾高  
陳王輕暖如相遺  
免致衰荷效廣騷

襲美以紫石硯見贈詩以迎之

霞骨堅來玉自愁  
琢成飛燕古釵頭  
澄沙脆弱聞雁伏

青鐵沈埋見亦羞，最稱風亭批碧簡。好將雲竇清寒流，君能把贈行吟客。徧寫江南物象酬。

以竹夾膝寄贈襲美

截得篔簹冷似龍，翠光橫在暑天中。堪臨薤簟閒憑月，好向松窗臥政風。持贈敢齊青玉案，醉吟偏稱碧荷筒。添君野具教多著，為著西齋譜一通。

頃自桐江得一釣車，以襲美樂烟波之思，因出以爲玩。俄辱三篇復杼酬答。

旋屈金鈎劈翠筠，手中盤作釣魚輪。  
忘情不效孤醒客，有意閒窺百丈鱗。  
雨似輕埃時一起，雲如高蓋強相親。  
任他華轂低頭笑，此地終無覆敗人。

曾招漁侶下清潭，獨繭初隨一錘深。  
細輾烟華無轍跡，靜含風力有車音。  
相呼野飯依芳草，迭和山歌逗遠林。  
得失任渠但平聲取樂，不曾生箇是非心。

病來懸著脆緜絲，獨喜高情為我持。  
數幅尚凝烟雨態，三篇能賦蕙蘭詞。  
雲深石靜閒眠穩，月上江平放溜遲。

第一莫教諳此境倚天功業待君為

幽居有白菊一叢因而成詠呈知己

還是延年一種材

菊之別名

即將瑤朶冒霜開不知紅豔臨

歌扇欲伴黃英入酒杯陶令接羅堪岸著梁王高屋好

敬來

梁朝有白紗高屋帽

月中若有閒田地為勸嫦娥作意栽

薔薇

倚牆當戶自橫陳致得貧家似不貧外布芳菲雖笑日  
中含芒刺欲傷人清香往往生遙吹狂蔓看看及四隣

遇有客來堪玩處一端晴綺照烟新

寄懷華陽道士三十韻

華陽門外五芝生  
食罷愁君入杳冥  
遙夜獨棲還有夢  
昔年相見便忘形  
為分科斗親鉉  
與說蜉蝣坐竹櫺  
醮後幾時歸紫閣  
別來終日誦黃庭  
閒教辨藥僮名甲  
靜識窺巢鶴姓丁  
絕澗飲羊春水膩  
傍林燒石野烟腥  
深沈谷響含疎磬  
片段嵐光落畫屏  
休採古書探禹穴  
自刊新歷闢堯冥  
珠宮鳳合迎蕭史  
玉籍人誰訪蔡經

架上黑椽長褐穩，索頭丹篆小符靈。  
霓軒入洞齊初月，羽節升壇拜七星。  
當路獨行衝虎豹，向風孤嘯起雷霆。  
凝神密室多生白，叙事聯編盡殺青。  
匝地山川皆暗寫，隱天竿籟祇閒聽。  
分張火力燒金竈，拂拭苔痕洗酒瓶。  
翠壁上吟朝復暮，暖雲邊臥醉還醒。  
倚身長短裁筇杖，倩客高低結草亭。  
直用森嚴朝北帝，愛將清淺問東溟。  
常思近圃看栽杏，擬借隣峯採采苓。  
掩樹半扉晴靄靄，背琴殘燭曉熒熒。  
舊來捫虱知王猛，欲去為龍嘆管寧。

蟾魄幾應臨蕙帳漁竿猶尚枕楓汀銜烟細草無端綠  
冒雨閒花作意馨掠岸驚波沈翡翠入簷斜照礙蜻蜒  
初征漢棧宜飛檄待破燕山好勒銘六轡未收千里馬  
一囊空負九秋螢我悲雌伏真方枘他騁雄材似建瓴  
合在深崖齋散木自求滄海點流萍頻拋俗物心還爽  
遠憶幽期目刺暝見買扁舟東真誥手披仙語任揚舲

月成弦

孤光照還沒轉益傷離別妾若是嫦娥長圓不教缺

南塘曲

妾住東湖下郎居南浦邊  
閒臨烟水望認得系菱船

古意

君心莫淡薄妾意正栖託  
願得雙車輪一夜生四角

偶作

雙眉初出繭兩鬢正藏鴉  
自有王昌在何勞近宋家

江行

酒旗菰葉外樓影浪花中  
醉帆張數幅唯待鯉魚風

鄴宮詞

鄴宮魏所建石氏慕容氏高氏皆居之此詩述石氏事

花飛蝶駭不愁人水殿雲廊別置春曉日靚妝千騎女

白櫻桃下紫綸巾

鄴下宮中記曰石季龍常以女騎千人為鹵簿著紫綸巾熟錦袴詩意謂

花飛春去不足愁別有春在  
即白櫻桃下千騎女是也

春思

竹外麥烟愁漠漠短翅啼禽飛魄魄此時憶著千里人  
獨坐支頤看花落

江南酒熟清明天高高綠旆當風懸誰家無事少年子

滿面落花猶醉眠

自遣詩

自遣詩者震澤別業之所作也故疾未平厭厭  
卧田舍中農夫日以耒耜事相聒每至夜分不  
睡則百端興懷攪人思慮益紛亂無緒且詩者  
持也謂持其情性使不暴去因作四句詩累至  
三十絕絕各有意既曰自遣亦何必題為

五年重到舊山村樹有交柯犢有孫更感卞峯顏色好

自序曰  
卷八十六  
曉雲纔散便當門

花瀨濛濛紫氣昏

紫花瀨在顧渚步

水邊山曲更深村終須揀

取幽棲處老檜成雙便作門

長嘆人間髮易華暗將心事許煙霞病來前約分明在  
藥鼎書囊便是家

數尺游絲墮碧空年年長是惹東風爭知天上無人住  
亦有春愁鶴髮翁

憶山泉

一夜寒聲來夢裏  
平明著屐到聲邊  
心期盛夏同過此  
脫却荷衣石上眠

江南

邨邊紫豆花垂次  
岸上紅梨葉戰初  
莫怪烟中重回首  
酒家青紵一行書

懷宛陵舊遊

陵陽佳地昔年遊  
謝朓青山李白樓  
唯有日斜溪上思  
酒旗風影落春流

和襲美春夕酒醒

幾年無事傍江湖  
醉倒黃公舊酒壚  
覺後不知明月上  
滿身花影倩人扶

和襲美釣侶二章次韻

一艇輕撐看曉濤  
接羅拋下漉春醪  
相逢便倚蒹葭泊  
更唱菱歌擘蟹螯

雨後沙虛古岸崩  
魚梁移入亂雲層  
歸時月墮汀洲暗  
認得妻兒結網燈

荅友

荆卿雄骨化為塵  
燕市應無共飲人  
能脫鷓鴣來換酒  
五湖賒與一年春

高道士

栽着道士風骨峻  
手把玉皇書一通  
東游借得琴高鯉  
騎入蓬萊清淺中

山中僧

手關一室翠微裏  
日暮白雲棲半間  
白雲朝出天際去

若比老僧猶未閒

山僧

山蘚幾重生草履澗泉長  
自滿銅瓶時將如意敲眠虎  
遣向林間坐聽經

送碁客

滿目山川似奕碁况當秋雁正  
斜飛金門若召羊元保  
賭取江東太守歸

秘色越器

九秋風露越窰開奪得千峯翠色來好向中宵盛沆瀣


共嵇中散鬪遺杯

高齋漫錄云秘色磁器世言錢氏有國日越州燒進為供奉物臣庶不得

用故云秘色然觀此詩唐世已先有之矣

### 白蓮

素蘂多蒙別豔欺此花端合在瑤池無情有恨何人覺  
月曉風清欲墮時



御定全唐詩錄卷八十六